

PLANINARSKI SAVEZ FEDERACIJE BOSNE I HERCEGOVINE
ПЛАНИНАРСКИ САВЕЗ ФЕДЕРАЦИЈЕ БОСНЕ И ХЕРЦЕГОВИНЕ
MOUNTAINEERING ASSOCIATION OF FEDERATION OF BOSNIA AND HERZEGOVINA
Terezija bb – Centar ‘Skenderija’, 71000 Sarajevo, Bosna i Hercegovina
Tel: +387 (0) 33 555 685, e-mail: psfbih1@gmail.com



PRAVILNIK ZA VODIČE

PLANINARSKOG SAVEZA
FEDERACIJE BOSNE I HERCEGOVINE

Broj: 79-02/23

07. MART 2023.

Na osnovu člana 30. Statuta Planinarskog saveza FBiH Upravni odbor Planinarskog saveza BiH na redovnoj sjednici održanoj 26.03.2009.godine u Sarajevu, te njegove izmjene i dopune na redovnoj sjednici održanoj 01.10.2016.godine u Sarajevu, te njegove izmjene i dopune na redovnoj sjednici održanoj 19.05.2018.godine u Sarajevu donosi, te njegove izmjene i dopune na redovnoj sjednici održanoj 17.10.2020.godine u Sarajevu donosi, te njegove izmjene i dopune na redovnoj sjednici održanoj 04.02.2023.godine u Sarajevu donosi:

PRAVILNIK ZA VODIČE PLANINARSKOG SAVEZA FEDERACIJE BOSNE I HERCEGOVINE

I: UVODNE NAPOMENE

Član 1.

Pravilnik za vodiče PS FBiH (u daljem tekstu Pravilnik) uređuje status Vodiča Planinarskog saveza FBiH, pravce i dužnosti djelovanja i područje djelovanja, osposobljavanje i kategorizaciju vodiča planinarskog saveza FBiH (u daljem tekstu PS FBiH).

Član 2.

Vodič je stručno obučeno lice u sportu na području planinarstva i nosilac je stručnog zvanja. Vodič može biti svako bez obzira na spol i kategoriju zvanja. Svi vodiči su upisani u registar vodiča PS FBiH koji se vodi u kancelariji PS FBiH a kojeg vodi Komisija za vodiče PS FBiH, (u daljem tekstu KV PS FBiH).

Vodičko djelovanje (vođenje, priprema, edukacija i prevencija) planinarskog vodiča PS FBiH zapotrebe članova planinarskih društava ima status stručne djelatnosti PS FBiH.

Matična PD, gradski i kantonalni savezi, ne mogu svojim članovima dodjeljivati zvanje planinarski vodič.

Lica koja nisu osposobljena i licencirana od strane KV PS FBiH ne smatraju se vodičima i nisu ovlašteni za vođenje organizovanih planinarskih tura, izleta i pohoda PD u PS FBiH.

Član 3.

KOMISIJA ZA VODIČE

Komisija za vodiče PS FBiH je stručno tijelo Upravnog odbora PS FBiH (u daljem tekstu UO PS FBiH).

Komisija za vodiče PS FBiH (u daljem tekstu KV ili Komisija) radi po Pravilniku o radu komisija Planinarskog saveza Federacije Bosne i Hercegovine broj 78-03/23 od 04.02.2023. godine.

Član 4.

ZBOR VODIČA

Zbor vodiča je najviši oblik okupljanja vodiča PS FBiH i ima edukativni i savjetodavni karakter.

Sastav Zbora vodiča i način odlučivanja :

- Zbor vodiča čine svi licencirani vodiči u tekućoj godini, kalendarskoj (od 31.12. te godine do 31.12. naredne godine);
- Zbor vodiča može valjano da djeluje ako je za odlučivanje prisutno minimalno 25 licenciranih

- vodiča za tu godinu;
- Zbor vodiča odlučuje većinom svih prisutnih glasova;
- Zbor vodiča vodi Predsjednik Komisije, ili njegov Zamjenik;
- Zbor vodiča saziva Predsjednik Komisije najmanje 1 (jednom) godišnje;

Na prijedlog Komisije, Zbor razmatra i usvaja:

- plan rada;
- priprema Poslovnik o radu Zbora vodiča;
- imenuje organe Zbora vodiča;
- priprema i predlaže Pravilnike i druge akte u vezi sa vodičkom djelatnošću;
- na prijedlog Komisije može da izbriše registrovanog vodiča PS FBiH iz spiska registrovanih vodiča PS FBiH;

Član 5.

VODIČKI ODBORI/STANICE I VODIČKI ODSJECI

Vodiči se organizuju kroz vodičke odbore/stanice i odsjeke. Vodički odbori/stanice i odsjeci planinarskih vodiča se osnivaju iz razloga bolje saradnje Komisije, sa PD. Vodički odbori/stanice i Vodički odsjeci svoje djelovanje provode u skladu sa Pravilnikom za vodiče.

Vodičke odbore/stanice čine vodiči iz više Planinarskih društava

Vodičke odsjeke čine vodiči jednog Planinarskog društva.

II: DUŽNOSTI I PRAVA VODIČA

Član 6.

Dužnosti su:

- učestvovanjem u svim aktivnostima PS FBiH,
- da se brine o pravilima i programima za stručno usavršavanje,
- da na turi posjeduje potrebnu opremu,
- da aktivno učestvuje u svim vodičkim aktivnostima, u svojim društvima, klubovima, a koje su članovi PS FBiH,
- da jednom u 3 (tri) godine obnovi svoje, znanje vodiča kroz edukaciju i napredovanje u kategorizaciji,
- da redovno obnavlja svoju registraciju,
- da doprinosi učlanjenju novih članova u planinarska društva ili klubove PS FBiH,
- da svojim djelovanjem učestvuje u širenju programa svojih matičnih društava, klubova PS FBiH,
- da se odazove i pristupi u pomoć i po potrebi prekine svoju aktivnost u slučaju poziva za spašavanje,
- da pomaže u obrazovanju novih vodiča,
- da učestvuje u interesu registracije svih članova u PS FBiH i da ustraje u tome,
- da čuva kulturno-historijska dobra,
- da čuva okoliš, prirodu,
- da djeluje u skladu sa Pravilnikom vodiča, Statutom svojih društava, Statutom PS FBiH i kodeksom ponašanja u okvirima planinarenja.

Član 7.

Prava su:

- izvođenje vodičke djelatnosti,
- da uživa sva prava i pogodnosti koja su navedena u Pravilniku, Statutu PS FBiH i drugim
- aktima u članicama PS FBiH,
- da ima pravo na napredovanje i registraciju, ako je ispunio uvjete za tu kategoriju, koja su Pravilniku za vodiča PS FBiH,
- pravo na troškove, koji nastaju tokom vođenja, (troškovi prevoza, smještaja, ishrane tokom vođenja, te materijalni troškovi, ukoliko su nastali tokom vođenja),
- informiranost o aktivnostima koja su vezane za vodiče i planinarske vodiče,
- da učestvuje u pripremi ture, ako je vodi ili je tu kao pomoćni vodič,
- da odloži ili prekine turu, ako je u interesu za učesnike ture,
- da na početku ture upozori na težinu i da na osnovu toga, učesnika ili učesnike koji nisu spremni za takvu turu, isključi iz ture, radi sigurnosti i izvođenja same ture,
- biti osiguran od posljedica nesreće prilikom zadataka vođenja i uživanja prihoda od osiguranja,
- uživati i druga prava ugovorena posebnim aktima.

Član 8.

Vodič može da vodi ture za nivoe za koje ima položenu kategoriju, koja predstavlja najvećukategoriju težine ture.

Dužnost vodiča je da u toku pripreme i prije izvođenja ture, izvodi ture za koje je kategoriziran ili da obezbijedi potrebno zvanje ili drugog vodiča koji je osposobljen za tu turu.

Član 9.

Vodič ima pravo da sam odluči i odabere koju turu će da vodi, da po potrebi bira sebi pomoćnika. Vodič, ako sebi izabere pomoćnika, koji ima manju kategoriju koja je potrebna za tu turi, ima pravo da sebi izabere 2 (dva) pomoćnika iste kategorije.

Ako se radi o turi A kategorije, slobodno sebi može izabrati za pomoćnika i iskusnijeg planinara, najviše 2 (dva). Za rad i djelovanje pomoćnika odgovoran je vodič, koji ga je izabrao.

Član 10.

Vodič je odgovoran za svoj rad po časnom planinarskom kodeksu i ostalim aktima, koji su doneseni PS FBiH.

Član 11.

Onaj ko krši ili ne poštuje ovaj Pravilnik, ostale akte PS FBiH ili časni kodeks na osnovu dokumentovanog prijestupa ili kršenja, na prijedlog Komisije ili prijedlog grupe vodiča, može na Zboru biti obrisan iz registra vodiča odlukom Upravnog odbora PS FBiH.

Svi koji predlažu za isključenje vodiča iz registra moraju od kritičnog događaja, a najkasnije u toku 6 (šest) mjeseci, da podnesu pismeno i argumentovano svoj zahtjev Komisiji ili matičnom društvu, klubu.

III: OZNAKE VODIČA PLANINARSKOG SAVEZA PSFBIH

Član 12.

Značka Vodiča je okruglog oblika, veličine 35 (tridesetpet) mm, opasana sa zlatnom niti uz koju je crveni krug širine 5 (pet) mm, u kojem u donjem dijelu piše zlatnim slovima VODIČ - GUIDE, a u gornjem dijelu PLANINARSKI SAVEZ BiH. U sredini značke, na svijetlo-plavoj podlozi je obris planine, koja je bijele boje, preko planine je u donjem dijelu, znak kompasa u zlatnoj boji sa 4 (četiri) kraka, koji simbolizuju strane svijeta, na bosanskom, hrvatskom i srpskom jeziku. Svaka značka je sa zadnje strane numerisana sa rednim brojem, tako da je redni broj značke i iskaznice isti.

Iskaznica je pravouglata, veličine 8,5 x 5,5 cm. U gornjem zaglavlju piše: PLANINARSKI SAVEZ FBIH, ispod piše KOMISIJA ZA VODIČE, ispod stoje lični podaci i slika, ispod piše: PLANINARSKI VODIČ, ispod na engleskom MOUNTAIN GUIDE. Na poledini isto zaglavlje, ispod su kategorije i potpis predsjednika komisije. Evidenciju iskaznica vodi komisija.

Značka ne vrijedi bez iskaznice, a korištenje jedne oznake bez druge smatrat će se kršenjem ovog Pravilnika.

Iskaznica je vlasništvo PS FBIH.

Član 13.

U slučaju uništenja ili gubitka značke ili iskaznice, svaki Vodič je dužan obavijestiti Komisiju PS FBIH, u kojem će obrazložiti zahtjev za novu značku ili iskaznicu. Isti je dužan platiti naknadu za izdavanje nove.

IV: KATEGORIZACIJA

Osnove kategorizacije

Član 14.

Vodič se ogleda u svom stručnom, stečenom zvanju, koje je razvrstano u sistemu kategorizacije. Osnovne kategorije su sastavljene na osnovu: težine, potrebnog tehničkog znanja, načinu kretanja, vremenu odvijanja ture i geografskim karakteristikama ture. Svaka kategorija ima slovnu oznaku i kratak opis. Kategorije su stalne i standardizirane, te usklađene prema standardima UIAA.

Član 15.

Osnovno osposobljavanje je osposobljavanje Vodiča A kategorije, za vođenje ljetnih tura, što jeosnova za vodiča. Program usavršavanja vodiča je stepenast ili u više dijelova.

Lično usavršavanje (u daljem tekstu provjera vodiča PS FBIH) je namjenjena obnavljanju postojećeg zvanja i usvajanju novosti vezane za tu kategoriju.

Napredovanje i usavršavanje je namjenjeno za napredovanje u više kategorije vođenja. Usklađena je i posebna pogodnost napredovanja u posebnim kategorijama što su navedene u članu 26. ovog Pravilnika.

Kategorije vođenja

Član 16.

Ljetnje ture - "A" kategorija

Opis: osnovno vodičko znanje, kretanje različitim ravničarskim i brdsko-planinskim terenima, izleti, pohodi, osnovno znanje upotrebe užeta, ostalih osiguranja na turi i upotreba štapova (palica)

Vođenje: označeni ili slabo označeni putevi, izleti i pohodi. Pored toga označene planinarske staze, sa malim snijegom i lake neoznačene staze.

Zimske (snježne) ture - "B" kategorija

Opis: osnovno zimsko vođenje, upotreba cepina i dereza, štapova, krplji te znanje upotrebe užeta i vođenja u navezu u zimskim uslovima, sa dobrim orijentacijskim znanjem.

Vođenje: sve iz kategorije „A“, lake označene i lake ne označene staze po snijegu, zimski markirani putevi, organizirani sigurnosni pohodi i bivakiranja, zahtjevne i teške označene staze po snijegu, te lake i zahtjevne ne označene staze po snijegu.

Teške ljetne ture - „C“ kategorija

Opis: uključuje sve znanje iz kategorije „B“, kretanje u navezi, kretanje uz osiguranje, penjanjekroz lake stijene i dobro poznavanje orijentacije.

Vođenje: sve iz kategorije „B“, pored toga vođenje po veoma teškim zahtjevnim i neoznačenim stazama, osiguranim putevima (ferate).

Lako turno skijanje - „F“ kategorija

Opis: sve iz kategorije „B“, te znanje skijanja i hodanja sa turnim skijama po različitim terenima, te posebno znanje orijentacije.

Vođenje: sve od kategorije „A“ do „C“.

Lake ledničke ture - „G“ kategorija

Opis: hodanje sa derezama i cepinom po ledu, osiguranje po ledu, spašavanje iz snježnog procijepa, seraka, pukotina i posebno znanje orijentacije.

Vođenje: sve iz kategorije „B“ i „C“, lake označene i ne označene staze sa snježnim pukotinama (lednim), lake ne označene, ledeni (snježni) i kombinirane staze do zahtjevno neoznačene staze.

Penjački usponi - „H“ kategorija

Opis: potrebno kategorija „B“, „C“ i „G“, te znanje za vođenje penjačkih uspona, pomoć penjačima, bez snijega, sa snijegom, sa ledom i kombinirano, zaleđeni slapovi, spašavanje i orijentacija.

Vođenje: sve iz kategorije „B“, „C“ i „G“, te penjačke smjeri u penjalištima i visokih streha, bezsnijega, sa snijegom do IV stepena težine po skali UIAA.

V: NAČIN DOBIVANJA KATEGORIJE

Član 17.

Nosilac programa osposobljavanja vodiča je Komisija PS FBiH. Obuka se provodi po istim i jednakim pravilima i temama, koje će izvoditi provjereni predavači, instruktori vodiča i instruktori drugih zvanja na prijedlog Komisije.

Član 18.

Osnovno osposobljavanje za „A“ kategoriju obuhvata: tečaj ili trening, ispit, proveden pripravnčki staž i završni test.

Za osnovno osposobljavanje, da se dobije zvanje Vodiča, moguće je nakon završenog osnovnog osposobljavanja uspješno položenog ispita i uspješno izvedene ture.

Član 19.

Organizator osposobljavanja ili obuke je isključivo Komisija, a PD i klubovi ili njihove uspostavljene jedinice (vodički odbori/stanice ili vodički odsjeci), ne mogu provoditi osposobljavanje ili obuku vodiča. PD, klubovi, vodički odbori/stanice i vodički odsjeci mogu od Komisije tražiti organizovanje obuke ili osposobljavanja.

Član 20.

Način ocjenjivanja tokom osposobljavanja ili obuke:

- nezadovoljava (ocjena 5), - nije položio
- zadovoljava (ocjena 6, 7), - položio
- uspješan (ocjena 8, 9,10), - položio.

Ocjenjivanje provjerava Komisija.

Član 21.

Kandidat, ako ne završi svoje osposobljavanje ili obuku u toku tekuće godine, u kojoj je prijavio tečaj, u obavezi je da ga ponovno pismeno prijavi u narednoj godini, i priznat će se aktivnost iz prethodne godine, koje je izveo ili položio.

U slučaju više sile, Komisija može odgoditi polaganje najviše za 15 (petnaest) dana od zakazanog datuma.

Konačna odluka je na Komisiji.

Član 22.

Po uspješno završenom osposobljavanju ili obuci, kada položi ispit i postane pripravnik u kategoriji za koju su polagali, mora se stažirati ili biti pripravnik minimalno 6 (šest) mjeseci a maksimalno 2 (dvije) godine i imati najmanje 10 (deset) tura u položenoj kategoriji. Za svaku turu pravi pismeni izvještaj, koji će na kraju dostaviti Komisiji. Svaku turu kandidat treba da vodi pod mentorstvom vodiča, koji imaju istu kategoriju ili više, a koji će potvrditi u svom izvještaju. Za navedenih 10 (deset) tura, moraju biti najmanje 2 (dva) različita mentora.

Pripravnik ne može da bude mentor drugom koji ima pripravnčki staž za tu kategoriju, ali može biti pomoćnik registriranom vodiču za tu kategoriju.

Član 23.

Pripravnik koji ispuni uvjete i kriterije za stjecanje zvanja ili više kategorije, dostavlja potrebnu dokumentaciju Komisiji.

KOMISIJA će u roku od 15 (petnaest) dana odgovoriti kandidatu.

Kandidat ima pravo na žalbu, ako nije zadovoljan odlukom Komisije ili za tok vođenja registracije, može se žaliti Upravnom odboru PS FBiH. Konačna odluka je na UO PS FBiH.

Član 24.

Za stjecanje zvanja ili više kategorije, za sve koji pristupe, potrebni su osnovni i posebni uslovi.

Osnovni uslovi su:

- najmanja starosna dob je 18 (osamnaest) godina,
- završena srednja škola,
- članstvo u društvu ili klubu koji je član PS FBiH,
- završena osnovna škola planinarstva,
- 3 (tri) godine aktivnog djelovanja u planinarenju (kopirana čl.iskaznica P.D. sa ovjerenim godinama članstva)
- dobro zdravstveno stanje,
- sposobnost samostalnog hodanja i vođenja tura, za koje se žele prijaviti,
- poznavanje 1 (jednog) stranog jezika (nije eliminatorni uslov za prijavu).

Kandidat dokazuje da ispunjava osnovne uslove kopiranim dokumentima.

Zdravstveno stanje kandidat dokazuje potpisivanjem izjave da je sposoban za vođenje te ture.

Posebni uslovi za kategoriju su:

Ljetne ture - „A" kategorija:

- uspješno završen prijemni ispit,
- u zadnje 3 (tri) godine učestvovanja na turama najmanje:
 - 10 (deset) različitih tura po lakim označenim ili neoznačenim stazama, zahtjevnim ili teškim stazama, izleti, pohodi i sl. koje u prijavi potvrđuje matično planinarsko društvo koje prijavljuje kandidata za tečaj.

Zimske (snježne) ture - „B" kategorija:

- Važeća kategorija „A", pored toga u zadnje 3 (tri) godine učestvovanje u:
 - 10 (deset) različitih tura po lakim označenim i neoznačenim stazama po snijegu,
 - 5 (pet) različitih tura po zahtjevnim označenim stazama po snijegu.

Teške ljetne ture - „C" kategorija:

- važeća kategorija „A", pored toga u zadnjih 5 (pet) godina učestvovanje u:
 - 10 (deset) različitih tura po neoznačenim stazama, misli se na neuređene penjačke smjeri najmanje visinske razlike 250 m,
 - 10 (deset) različitih penjačkih uspona stepena II po skali UIAA,
 - 10 (deset) različitih penjačkih uspona stepena III po skali UIAA.
 - Završen ljetni alpinistički tečaj.

Lako turno skijanje - „F" kategorija:

- potrebne „A" i „B" kategorije (ako je istovremeno polaganje kategorija „B" i „G", tada nije potrebna kategorija "B"),
- uspješno završena provjera znanja skijanja na zahtjevnim stazama, pored toga u zadnjih 5 (pet) godina učestvovanje u:
 - 10 (deset) različitih lakih turnih skijanja,
 - 5 (pet) različitih zahtjevnih turnih skijanja.

Lake ledničke ture - „G" kategorija:

- potrebna kategorije „B", pored toga u zadnjih 5 (pet) godina učestvovanje u:
 - 10 (deset) različitih lakih tura po ledu, tvrdi snijeg,
 - 5 (pet) različitih tura po zahtjevnim turama po ledu, zaleđeni slapovi.
 - Stečen naziv registrovani alpinista.

Penjački usponi - „H" kategorija:

- potrebna kategorija „B", „C" i „G", pored toga u zadnjih 5 (pet) godina kao prvi ili mijenjanje u vodstvu najmanje ispenjanih:
 - 20 (dvadeset) različitih kopnenih smjeri, sve smjeri najmanje težine V po skali UIAA,
 - 10 (deset) različitih visoko gorskih penjačkih uspona,
 - 10 (deset) različitih visoko gorskih penjačkih uspona, težine IV po skali UIAA, dužine do 250 m,
 - 10 (deset) različitih visoko gorskih uspona po snijegu (zimskih uspona)
 - 5 (pet) različitih visoko gorskih uspona po snijegu, najmanje težine IV po skali UIAA ili viših od 350 m,
 - 10 (deset) različitih visoko gorskih ledenih, kombiniranih uspona, led/stijena,
 - 5 (pet) različitih visoko gorskih ledenih, kombiniranih uspona, najmanje težine IV po skali UIAA ili viših od 350 m.
 - Stečeni naziv registrovani alpinist i registrovani GSS spasioc,

Kandidat dokazuje posebne uslove za pojedinu kategoriju, ovjerenim izvještajem o vodičkim aktivnostima za tekuću godinu, gdje se dokazuje da je vodič izveo ili učestvovao u turama, usponima koji se traže za pojedine kategorije.

Član 25.

Prelazak iz niže u višu kategoriju je moguć napredovanjem i osposobljavanjem, koja obuhvaća: tečaj ili trening, polaganje ispita, u koju spada ispitni zahtjev, pisani test i ispitna tura, te završen pripravnički staž za zahtjevanu višu kategoriju. Ako kandidat osnovno osposobljavanje završi sa ocjenom „uspješno završio", može odmah učestvovati u daljem osposobljavanju.

Nakon uzastopne 2 (dvije) godine aktivnosti može se u nastavku osposobljavanja uključiti svako ko je osnovno osposobljavanje završio sa ocjenom „zadovoljava". Kandidat tada mora da ispunjava posebne uslove za naznačenu kategoriju, koji su napisani u članu 24. ovog Pravilnika. Ako kandidat stekne višu kategoriju, smatra se da ispunjava uslove i za nižu kategoriju, odvojeno za ljetne, snježne i turno skijanje.

Član 26.

Kandidati (instruktori planinarskog odgoja, alpinisti, alpinistički instruktori, instruktori GSS, članovi GSS) za višu kategoriju, koji imaju priznat naziv vodiča, te imaju odgovarajuće znanje i iskustvo jednako vrijedno osposobljavanju za višu kategoriju, koju su stekli u drugim osposobljavajućim tečajevima u okviru PS FBiH ili izvan nje, mogu uz ispunjavanje posebnih uslova, koji su napisani u članu 24. ovog Pravilnika, uz predviđeni pripravnički staž, pristupiti polaganju za željenu kategoriju. Uslovi i načini stjecanja i potvrđivanja kategorije su zapisane u uputama za stjecanje i potvrđivanje kategorije u posebnim slučajevima, koji sprovodi Komisija.

Član 27.

Vodič, koji u skladu sa dogovorom između PS FBiH i UIAA ispunjava uslove, može da dobije odgovarajuću kategoriju po standardima UIAA.

Član 28.

Ispunjavanje uslova za vodiča mogu se uključiti svi kategorizirani i licencirani vođači PS FBiH i ostali pojedinci koji podnesu zahtjev za stjecanje zvanja.

Član 29.

Licenca je dopuštenje, dozvola, odobrenje, pravo upotrebe, pravo vršenja, pravo izvođenja, na određeno vrijeme. Do licence se dolazi ukoliko nositelj prava za licencu ispuni uslove.

Licenca za vođenje važi 3 (tri) godine, koju potvrđuje Komisija, odnosno do sljedećeg potvrđivanja, ako je to u sklopu trogodišnjeg ciklusa odnosno ako nema drugačije odluke Komisije. U iskaznici je napisana godina do kad važi licenca. Ako vođač učestvuje u usavršavanju u godini u kojoj mu je izdata licenca za određenu kategoriju, ista mu važi do isteka, a nova kategorija se upisuje po ponovnom produženju licence. Ako vođač učestvuje u usavršavanju nakon isteka licence, ta mu se godina može uzeti u obzir u trogodišnju licencu, ili te godine neće imati licencu.

Član 30.

Teme za usavršavanje vođača određuje i planira Komisija godišnje uz obavezu pojedinačnog pristva na jednom od usavršavanju u toku torgodišnjeg ciklusa. U te 3 (tri) godine, teme moraju biti usklađene tako da se za usavršavanje u nastavku izda pismeno gradivo.

VI: REGISTRACIJA VODIČA

Član 31.

Svi vođači uz izdavanje uvjerenja o osposobljavanju upisuju se u registar vođača PS FBiH, kojeg operativno vodi Komisija. Sa danom upisa u registar vođača važi prva dozvola ili licenca za period od 3 (tri) godine. Registracija obuhvata lične podatke, podatke o osposobljavanju, te podatke postignute u stručnom osposobljavanju, odnosno kategorije vođenja. Podatke može koristiti PS FBiH u skladu sa zakonskim propisima.

Član 32.

Kao učešće u usavršavanju vođača PS FBiH smatra se i aktivno učešće instruktora, ako je isti uz temu koju je vodio ili pomagao voditi, aktivno učestvovao i na svim ostalim temama usavršavanja vođača.

Član 33.

Ako vođač sa licencom za obavljanje stručnog rada ne produži 2 (dva) puta uzastopno (period od 4 godine), mora prije učestvovanja u usavršavanju ponovno ispuniti posebne uslove za učestvovanje u osposobljavanju za kategoriju „A“. Ispunjavanjem uslova dokazuje se listom obavljenih tura.

Član 34.

Vodjači, koji su u svojoj najvišoj kategoriji aktivni najmanje 6 (šest) godina, za produženje licence nisu obavezni slati izvještaje o svojoj aktivnosti, dovoljno je samo pismeno izraziti želju. Period od 6 (šest) godina se smatra od dana kada je vođaču potvrđena najviša kategorija vođenja, koja je određena ovim Pravilnikom.

Član 35.

Zahtjev vodiča koji ne ispunjava uslove za produženje registracije, odbacuje se dok ne ispuni uslove. Registracija u protekloj godini nije uslov za registraciju u sljedećoj godini. Iznimno se može registracija produžiti na 1 (jednu) godinu, unatoč ne ispunjavanju uslova, ako vodič preda pismenu molbu u kojoj navodi razloge za ne ispunjavanje uslova. Molbu razmatra Komisija.

Vodič može na odluku Komisije da se žali. Žalbu podnosi u roku od 15 dana Upravnom odboru PS FBiH. Konačna odluka je UO PS FBiH.

Član 36.

Svake godine se u obavijesti Komisije objavljuje spisak registriranih i licenciranih vodiča za tekućugodinu.

VII: PRIZNANJA ZA VODIČE

Član 37.

Priznanja se dodjeljuju svim vodičima koji su u svom radu značajno doprinijeli razvoju i ugledu vođenja u okviru PS FBiH, a ista se dodjeljuju na Zboru vodiča, što uređuje Pravilnik o priznanjima PS FBiH.

VIII: PRELAZNE I ZAVRŠNE ODREDBE

Član 38.

Svi postupci za stjecanje odnosno potvrđivanje kategorija, koji su započeti do donošenja ovog Pravilnika, izvode se po načinu koji je važeći do prihvatanja ovog Pravilnika.

Član 39.

Tumačenje ovog Pravilnika daje Upravni odbor PS FBiH.

Član 40.

Ovaj Pravilnik stupa na snagu danom donošenja i objavljivanja na službenoj web stranici Planinarskog saveza FBiH (www.psfbih.ba).

Predsjednik PS FBiH
Rasim Radonja